

نومرو: ۲-۷۹

اداره خانه

ایستانبول، جفال اوغلنده

دائرة اجتهاد

Idjtihad Constantinople

دوردنجی سنه

اشعار

۵ ایلول ۱۳۲۹

آبونه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرامی صفا

تورکیا ایچین : ۵ غروش ۲۰ غروش
ممالک اجنبیه ایچین ۱۵ فرانق ۸ فرانق

نسخه سی ۵۰ یارم

جون استوارت ميل



افكارى

مقدمه حياتى حقنه وريدكمز معلوماتدن ؛ استوارت
ميلك محيطى ، معنويتك دوغدينى ، بويوديكي ، تعدى
ايتديكي عالم تعين ايتدى .

بر طرفدن Vtilitarisme ك مؤسى اولان بتهام ،
فيلسوفك پدريته و طولاييسيله كنديسنه شدتله اجراى
تأثير ايتديكي كي ديكر طرفندن ده ريقاردو فن اقتصادده كي
كشفيات و نظرياتيله او دائره فكاره تسلطن ايتمش
بولنيوردى ؛ و بويكي بويوك آدمك حريم الفتنه هنوز
يك چوجق ايكن واصل اولان ميل ؛ شهبسز بو تأثيراتدن
آزاده قالامه مشدى . بالطبع بدايت امرده ميل دهده
بتهام ، ريقاردو ، و باباسى جيمس ميل كي Bationaliste لك
تصورى يعنى تحرى حقيقته زمانمز حكماسى كي تجربه به
اقتدا ايدم جكلرينه معقولانى اساس اتخاذ واو احكام
مجرده دن استدلالاً بر چوق حقايق جزئيه استنتاج ايلك
فكرى مشهود اولدى كه حكمت سياست حقنه كي افكار
و ملاحظاتي بوني اثبات ايدر . فقط بوييه خارق العاده
بر دها عشق و شوق ايله تحرى حقيقته قويونلجه شهبسز
اغيارى اولان قيووده الى الابد رعايتكار قالاميه جغندن استوارت
ميل دهده بروسيله بوافكارينك تصميمه بر زمين فرصت
حاضر لادى . او وسيله ده محرر و مؤرخ مشهور (لورد
ماقولاى) نك فيلسوفك پدريته حكمت حكومت حقنه كي
افكار مخصوصه سندن طولاني اعتراضاته باشلامسيدر .

لورد - سياسيات واجتماعياتك هندسه كي علوم
مجرده دن اولماديغنى بحق اخطار ؛ بعد التجربة و بالاستقراء
Induction بيان فكر و ملاحظه ايدلسى لزومنى ادعا ايدرك
از بردن بر طاقم دستور بيان ايتكندنه ؛ جمعيات بشريه يي
و مؤسساتى تتبع ايتك ايجاب ايدم چكى - ايلر و سور مشدى .
پوكا قارشى كنچ ميل : اورته به آتيله رق باباسنك حيثيت
فكريه سنى مدافعه به قاليشدى . فقط بونا موسلى ، كنچ
متفكر چوق زمان كچمه دن آكلاديكه لورد ماقولايك بر
درجه به قدر و اساساً حق و اردر . - فى الحقيقه سياسيات

علم اولمق اعتباريله هندسه به بكنزه مز . لكن صرف قنون
طبيعيه كي مشاهده و تجربه اوزرينه مؤسس بر علم ده
دكلدر . چونكه اونده كي مقصدلر صرف آمال انسانيه دن
عبارت ؛ احوال و ظروفه ، شروط معيشته ، ترقيات فكريه
و تكامل حسياته كوره ديكشه بيليرشيلر اولديغندن آز چوق
حسن و اعتقاده تابع بعض ماهيات قينلندركه برر
دستور مجرد شكلده ضبط و قيد و افاده اولنه بيلير ايشته
تدقيقاتيله بونتيجه يي الله ايدن ميل ؛ هم باباسنك ، هم ده
لوردك افكارينى رد ايتمش و ايكيسنك ده فوقده بر نظريه
حكومت دوشونمشدر . بونكه برابر مقصد اخلاقي و غايه
حياتيه اعتباريله به (Vtilitarime) طرفدار كورونه رك
بونقطه دهده آروجه كنديسنك عزيز دوستى اولان
سپنسر ك تنقيداتنه اوغرامش و ارالرنده غايت نازكانه
مناقشه لر كچمشدر .

انسانلرله تماس ايتمه مكدن باشقه بويوك قصورى
اولماديغنى آرتق كر كي كي آكلان ميل ؛ اوقصورى
ازاله و اصلاحه عزم ايتمش ، اقتصاديات و سياسياتده نظرى
اوله رق اثبات ايتديكي بهره و اقتدار كل يي بر آزده
حقايق عمليه ايله قوتنرول ايدم بيلمك ايچون بالفعل امور
ناسه قاريشمشدر . فكر و علمندن و بالخاصه اقتصادياتده كي
وقوفدن استفاده ايتك ايسته ين انكايز ملتده بو ذاتى
پارلامنتويه مبعوث كوندرمك آرزولرى اويا نه رق فيلسوف ده
مع الممنونه كنديسنى بوجريانه توديع ايتمشدى . پارلامنتوده
بولوندوغى زمانلر واقع اولان مناقشاتده ميل دن دائماً
رأى صورتولور ؛ اوده ويرديكي جوابلرى صرف دائره
نظريه به حصر ايدر و تطبيقات ادازيه سنه كنجه ايشى
اربايه بر اقيردى .

بودانى اوچ نقطه نظر دن تلقى ايدم بيليركه اوچنده ده
موقع و حيثيت اعتباريله متفكرين انسانيتك برنجى
صنفته بولونيور ؛ فيلسوف ، بقونوميست ، حكيم سياسى .
بو اوچ نقطه نظر لر نده ميل ؛ مكمل بر تحليلي « آنا ليست » در ؛
يعنى حادثات و افكارى اينجه دن اينجه به تحليل ايتكده
خارق العاده بر نفوذ نظر صاحيدر . و بوقابليتى عمرينك
صوكنه قدر محافظه ايتمشدر .

طوغری به بیلیمك بزجه ممکنیدر، دگیدر؟ سوألیله موقع بحث و مناظره به قونولان مشهور دعواده، هاملتون بالخاصه (قانت) ه اقتداء « علم بشرک صرف اضافی اولدوغنی و حقائق اشیا به کسب اطلاع ایلك بزجه الی الابد تمتع بولوندوغنی ادعا ایتمش اولدوغنی حالده کیفیات اولی و ثانیه بختلرنده بونك عکسنی التزام ورنك، رایحه، حرارت کی حسابك صرف انفسی اولدوغنی یعنی بزده بولوندوغنی تسلیم ایتمکله برابر شکل کی، حرکت کی مکانی مستلزم اولان کیفیات اولی نك بزده اوله یوب اجسام خارجی بدن، اوصاف اصلیه دن بولوندوغنی» مصرانه بیان ایلشدی.

استوارت میل ایسه بو نقطه ده کی تناقضدن بالاستفاده در حال هاملتونه تحمل ایلمش و اولیابده مشهور اولان کتابنی بالخاصه بودعوانك عکسنی اثبات ایچون یازمشدرد. استوارت میل بو کتابده تدقیقاتی غایت نافذ بر نظرله یوروندکن صوکره بوسبتون ایده آلیست بر فیلسوف اولدوغنی هم کوستریبور و هم بالذات اقرار ایدیور. آکلاشیلیور که کنیدیسی (داون هیوله) و (بارقه ی) فلسفه سنه طرفداردر. بوده خلاصه افاده ای دیلیرسه شور قاج دستور منجر اولور. «علم بشر محض اضافیدر. بیلیمدیکمز شیر صرف حادثات قیلندن در. یقیناً و قطعاً بیلیمدیکمز حسیات ذاتیه و حاضر مزدر. ماده و روح دیدیکمز جواهر اصلیه بالاستدلال دوشونه بیلیمدیکمز شیردر که ماهیه فرضیات حیثیتده در. بناء علیه علممز و کائناتی بیلیمز صرف نظری و تصویری در؛ نفس الامره قطعاً موافق اوله مسمی لازمکیر. کیفیات اولی خارجه بر ماده نك اوصاف اصلیه سندن اولسه یدی بزم علممز اضافی اولماز، قسماً اولسون مطلق اولوردی. چونکه خارجه کی ماده یی هیچ اولمازسه بعض اوصاف دلاتیله عیناً بیلیمش اولوردی. حالوکه بو باطلدر. « شوا اعتقاد ایله استوارت میل؛ هاملتونك افکاری رد ایتمش و تمامیه ایده آلیست اولدوغنی کوسترمشدر.

ممتاز زاده نور الدین

منطق نام اثرنده بر چوق مثاللرله، بر چوق ملاحظاتی ایله اصولاً تجربه به طرفدار لغتی کوسترمش وارسطونك حکومت مغویه سنه معادل بر قدرت و نفوذ ابراز ایلشدرد. فن اقتصادده افکارینك عین تکامله تابع اولدوغنی کوریلیر. اوللری قلاسیك اقونومیستر کی دوشوندیکی حالده صوکره لری عادتاً سوسیالیزمك حدودینه قدر یورومش و بو خصوصده اقایم اعتقادیه سنك ماهیتی حقنده منقدینی ترده دوشورمشدی. لکن شوراسی شایان دقتدر که ابوبیوک ایکی جلد تشکیل ایدن کتاب اقتصادینك بعض یرلرنده سوسیالیزمی او قشایان میل؛ افراد بشریه به قارشی جماعتك حقنی، نفوذنی تسلیم ایتمش ایکن بالآخره فردك مصونیت حقوقنی دعوا ایده رك طرفینجه موازنه یی تأسیس ایچون (حریته دائر) نامنده کی کتابنی یازمش و بو کتابنده سرداولتان مطالعات محقه به باقیلیرسه - حریت شخصی به؛ سعادت بشریه واجتماعیه ده اساس اوله رق تلقی ایلشدرد. اقتصادیات حقنده کی اثر مهمی بو کون اکثر وجوه ایله بلکه اسکیمش بر کتابدر؛ فقط بر چوق ملاحظات واحکام اساسیه یی حالا معتبردر.

حکمت سیاسیه اعتباریله بو فیلسوفك (حکومت مبعونه) نامیله یازدیغنی کتاب ودها سائر مقالانی و دین ذکر ایتدیکمز (حریته دائر) اسمنده کی اثری جهله اعتقادات و نظریاتی شاملدر. بو کتابلرده مشروطیتك شرطلرینی، قواعدینی، ارکاننی، قصورلرینی، صاغلام و چوروك نقطه لرینی غایت نافذ بر نظرله کوروب اورتابه آتمش؛ و مزاج و عادت و جهله حقیقتی بیلیمکی کی؛ کنیدیسنه تجلی ایتدیک کی سویلشدرد. بو اثرلرینك لسانزه ترجمه ایدلمسنی اولانجه خلوص مزله تمنی ایده رز. میل؛ اصل فلسفه سنك بوتون خصوصاتی (هاملتون فلسفه سی حقنده تحقیقات) نامیله یازدیغنی اثرنده کوسترمشدر. مشهور (رهید) ك مفسری و (قانت) ك طرفدار ی اولان هاملتون؛ اسقوچ مدرسه سنك الك صوكره المعلوماتی بر متفکری ایدی. حقایق اشیا یی طوغری بدن